



Bájkkeavijssa NuorttaSálto

«Campus Ájluokta»:

Nuorttaguovlo ja

álggoálmukåhpáduš

Tæksta: Børge Strandskog
Járggálibme: Divte Media AS

- Árran le sjaddam institusjávnnán riek tjiehpes barggij ja állo máhtudagájn, ja barggomielaajn ja rahtjalisvuodajn vilá ávddánit. Le gal ávddánibme mij álgos ij lim vuordedahte, javllá prosjækta- jádediddje Konrad Sætra.



Javllamáno Konrad Sætra diedádusáv/ ávddáprosjektav buktá mij vuodov dahká julevsáme guovdátja boahhteajggáj, ja dutkamav ja ávddánahttemav tjalmostahtá. Guovdálasi oase li giella, kultuvrra, riikkagasskasasj barggo, nuorttaguovlo ja álggoálmukåhpáduš.

Ásadimes rájes jagen 1994 le Árran vuodov ásamam dávvervuorkájn, giellabargujn ja mánájgárdijn, duodden li aj huodnahijt Sámedikke háldadussaj lájggim. – Ihkap bádiema mærráj gánná besajma vuojnadit ja dudálatija liehket dajna majt lijma dahkam. Valla sihke stivran, njunnjutijjn ja barggijn li rahtjalisvuoda; Árran galggá vilá ávddánit, gáktu Árrana strategioplánan 2007 – 2009 lágá, subtsas Sætra.

Árran le juo sáme institusjávnnáj nuorttaguovloværmádagá dájmadiddje. Sámedigge le Árranij ávdásvástádusáv vaddám rádjálávásj birra guoradallat doarroájges, ja ávdásvástádusáv bihtámsámegielaaguovlo dávvervuorkás. Fylkkasuohkana nuorttaguovllojuohkusa baktu le oajvvaduvvam ásadit aktisasj barggoplánav Nordlándá sámij ja Karela vepserij gaskan, prosjektan Árrana baktu. Duodden le Árran máhtudak-institusjávnnáj julevsámegiela ávddánibmáj ja vaddá uddni áhpádušáv lándav miehtáj guhkesáhpáduš baktu.

Guokta riek ájnas aktisasj barggos- jiehtadusá li vuodon dajda guoradallam- ja pládnabargojda ma galggi álliduvvat boahhte máno. Goappátja sjehtadusá dijmmá gidá dáhkkiduvvin ja vuolláj tjáleduvvin. Vuostatjin dagáj Árran

sjehtadusáv Scott Polar Researchajn Cambridgan, Englandan – dan mañela Allaskávlájn Bádádjon (HiBo) ásadittjat álggoálmuk dutkaminstituhtav Ájluoktaj. - Dát le viehka sierralágásj sjehtadus. Iesj iv diede ietjá allaskávlájt ma li dákkár aktisasj barggoprošjevtav sjehtadam, javllá Sætra. Suv mielas máhtteba Allaskávlá ja Árran dán sjehtadusá baktu alla máhtudagáv oadtjot ja nubbe nuppev ávkástallat, gasskasasj ávkken. Nordlándá fylkkasuohkan le aj Árranij sjehtadusáv dahkam, oasseruhtadimijn prosjektabarggij. Fylkkasuohkan le áttjak 400.000 krávnáv juollodam prosjektaj “Ávddánahttem álggoálmuk dutkam- instituhtas”. 100.000 juolloduváj sæmmi prosjektaj jagen 2007.

Konrad Sætra ij ájgo prosjektadiedádusá sisanov ilá dárkkelit gávvidit, ávddál gá le gárvvásin, valla ávduhtis diehtep Árran ájggu fáhkabirrasav ávddánahttet ádá máhtudakbarggosajj.

- Diedádusán gæhttalip ásadime ja dájmadime sisanov konkretiserit boahhteájggásasj dutkaminstituhtaj Ájluovtan. Dutkam, áhpáduš, árvvoháhkubme ja ávddánbuktem sjaddi riek guovdálasi ássje. Ájggop aj campusav Árranij – gánná studenta bessi oanep jali guhkep ájgev árrot, javllá Sætra – guhti dættot Allaskávlán Bádádjon le fágalaš oajvvévástádus dassta mij Ájluovtan galggá dáhpádušvat, valla Árran oadtju ávdásvástádusáv háldadusáv ja bæjválasj dájmas.

- Gá diedádus le gárves, de galggá mijá ja HiBo stivran giehtadaládušvat. Danna



Konrad Sætra ájggu Árranav boahhteájggásasj álggoálmuk dutkaminstituhtan ásadit, aktisasattjat Allaskávlájn Bádádjon. Konrad Sætra utreder Árran som fremtidig forskningsinstitutt for urfolkstudier, et samarbeid med Høgskolen i Bodø.

mierreduvvá gáktu prosjektá galggá joarkeduvvat. Iesj lev mávtuk, jáhkáv dát buorak sjaddá. Sierraláhkáj gá buohtastahttep ietjá máhtudakbirrasij

Nuortta-Sálton, duola dagu KUN Stájgon ja dájna ádá Hamsunguovdátjijn Hábmerin, jáhká Konrad Sætra.